

Алишер Навоийнинг ўзбек тилидаги мактублар тўплами бўлган “Муншаот” асаридagi турли вақтларда, турли кишиларга ёзган хатларининг адресати кўрсатилмаганлигига карамай, уларнинг баъзиларини мазмунига караб, қайси шахсга битилганлигини аниқлаш мумкин.

Мактубларнинг мазмуни, тилга олинган баъзи тарихий воқеалар ва муаллифнинг мактуб шахсига нисбатан салбий ёки хайрихоҳлик муносабатларидан келиб чиқиб айтиш мумкинки, уларнинг аксарияти Султон Хусайн Бойкаро ва унинг сарой ахлларига ёзилгандир. Шунингдек, бир нечта мактуб Хусайн Бойкаро ўғиллари (Бадиуззамон, Шох Гариб Мирзо ва бошқалар) номига битилган. Бу мактублар ҳам давр таказоси туфайли ёки Навоийнинг уларга бўлган самимий муносабатининг ифодаси сифатида майдонга келгандир.

“Муншаот” даги 55-мактуб ана шундай мазмун эътибори билан жуда харакгерлидир. Унда Навоий ўз мактубини йўллаётган шахсга давлатни идора этиш борасида кимматли таклифларни баён этганки, бу ёзилганлардан унинг илгор фикрли, оқил ва хушёр давлат арбоби эканлиги яна бир бор намоён бўлади. Шу боисдан Навоийнинг хаёти ва ижтимоий фаолиятини ёритувчи бир катор илмий асарларда мазкур мактуб тилга олинади. Бирок, таассуфки, ана шу илмий рисола ва мақолаларда бу мактубнинг адресати турлича талкин қилинади. Чунки, тарихчи Р.Н.Набиевнинг “XV аср Мовароуннахрнинг иктисодий-сиёсий хаёти тарихидан” номли мақоласида “Алишер Навоийнинг давлат ва уни идора этиш хақидаги прогрессив гояларини ифодаловчи бу мактуб Хусайн Бойкаронинг ўғлига ёзилган” дейилса, кейинги йилларда майдонга келган “Ўзбек адабиёти тарихи” (Н.Маллаев), “Навоийнинг калб дафтари” (И.Султонов), “Буюк дахо мактублари” (Х.Алихўжаев) ва “Адолат пешаси” (Й.Абдуллаев) каби рисола ва мақолаларда ўша мактуб шахсан Султон Хусайн Бойкарога ёзилган, деб кўрсатилади.

“Ўзбек адабиёти тарихи” беш томлигининг II-томидаги Навоий “Муншаот”ига бағишланган қисмида (бу қисми навоийшунос С.Ганиева ёзган) бу мактуб Бадиуззамонга ёзилганлиги таъкидланади.

Мактубнинг адресати аслида ким? Бизнингча, бу саволга жавобни мактубнинг ўзидан қидириш мақсадга мувофиқдир.

Мактубда Навоий давлатни идора этишда нималарга амал қилиш кераклигини санаб ўтар экан, бу кўрсатмаларнинг баъзиларини “юкори” сўзи билан боғлиқ жумлалар орқали ифода этади. Яъни: “Яна улким, юкоридан хар навъ ҳукм етса, агар қуллий ва агар жузвий-вақтида ҳукм йўсини била ишга файсал берилмай, агар қилгулук иштур, ҳукм йўсини била қилинса, агар муяссар бўлмас бўлса ҳам жавобин бот (юкорига-Ю.Т.) арздошт қилиб юборилса.

Яна улким, хар турлук арздоштим юкори битилса, “насх ва таълик” хати билан андок хоқо битилсаким ўқурда қишига ташвиш етилса...”

Навоийнинг ана шу каби таклиф ва кўрсатмалари шахар ва вилоят доирасида амалга оширилиши лозим эканлиги яққол кўзга ташланиб туради:

“Яна улким, шахар эҳтисоби (назорат иши) амрида яхши эҳтимом қилинса,...

Яна улким судурга ҳукм бўлсинким, шахар масожидин эҳтиёт қилиб, имом, муаззиндин

махалла ахлин сўруб, балким хат олиб, намозга таргиб килсинлар,...

Яна улким судурга хукм бўлсинким, вилоят авкофидан (вакф килинган ерлардан) хабардор бўлсинлар,...

Бу баён килинган фикрлардан кўринадики, хат йўллаётган шахс мамлакат эгаси эмас, вилоят хокимидир. У “юкори”дан, мамлакат хукмдоридан бўладиган фармонларни ўз вақтида бажарса ва “юкори”га, мамлакаг эгасига, юбориладиган хат-хужжатларни “насах ва таълик” хати билан ёзилса, деган таклиф-истак айтилмоқда.

Мамлакат эгаси ким бўлиши мумкин? Бу шубхасиз, мактубнинг бир канча ўринларида тилга олинаётган Мирзо, яъни Султон Хусайн Бойкародир. Бунга ҳам мактубнинг уладан далил келтириш мумкин.

“Яна улким, -дейлади маклубнинг бир ўрнида, Мирзо навкарлариким, анда куллука маш-улдирлар. Мирзо навкарлиги хайсиятидан (Мирзо аскарлари бўлганлиги учун-Ю.Т.) иноят ва хурмат алар бобида кам бўлмаса, лекин баходирлиги биридин зохир бўлса, бозхост ва сиёсатда маъзур тутилмаса”.

Афтидан, Хусайн Бойкаро кандайдир сабабларга кўра мазкур вилоятга ўзининг бир миқдор навкарларини колдирган ёки юборган. Бу навкарлар давлатники бўлганлиги туйғайли ва, колаверса, Султон Хусайннинг оталик хурматини ўрнига кўйиш учун уларга “иноят ва хурматни” кўпрок килиш керак. Борди-ю уларнинг, яъни навкарларнинг бирортаси тарафидан интизомни бузиш холати юз берса, бу давлат хавфсизлигига дахлдор иш хисобланиб, ундай кишини жазолашдан четда колдирмаслик керак.

Макубда тилга олинаётган Мирзо, яъни ота-Султон Хусайн Бойкародир, деган хулосага келишимизга яна бир далил бор. Бу тубандаги жумлалардир:

“...Аммо саъйи килсаким, жаъми умурда тенгри таоло ёдидин гофил бўлмаса. Мирзони даги кўрулса, то бу икки ши мужиби саодати дину дунё бўлса”. Яъни, барча ишларда Худони ёдда саклаш билан бирга ота хотирини ҳам унутмаслик керак. Бу икки иш билан дин ва дунё саодатига эришилса. Бундай фикр Навоийнинг шахзода Бадиуззамонга ёзган бир хатида кенгрок берилган: “Пайгамбар саллаллоху алайхи ва саллам буюрубдирларким, тенгри таоло ризоси ота ризосига вобастадур ва тенгри таоло газабни хам ота газабига вобастадур. Бас, киши ота ризосини хосил килса, тенгри таоло ризосини хам хосил килиш бўлгай ва ота газабига учраса тенгри таоло газабига учралиш бўлгай”.

Кўринадики, хат Хусайн Бойкарога эмас, унинг ўгилларидан бирига, кайсидир вилоят эгасига ёзилган.

У ким ва кайси вилоят эгаси бўлиши мумкин?- Бу саволга ҳам мактубдан айрим ишоравий ўринлардан ва бошка мактубдаги ёзилганларга киёслаш билан жавоб топиш мумкин. Мактуб йўлланаётган хукмдор тасарруфидаги ерлар ва у ердаги аҳоли хаёти, хаттоки бу вилоятдаги хар бир даханинг ўзига хос турмуш тарзи билан Навоий якиндан танинш кўринади. Шунингдек, мазкур вилоятнинг асосий иши, диккат эътибори чегараларни мустахкам тутиб туриш эканлигини у яхши тушунади:

“Яна улким, атроф ва жавонибдаги элнинг арздошти келса, боз узагур элни кўп мавкуф килинмаса. Хар кайсига ўз хўрд холига кўра илтифот килиб, ботахсис Мир Зайнобиддин жонибиким, риоят багоят вожибдур...”

Яна улким, ул вилоятларнинг бир куллий иши дахонларнинг (чегарадан кириш жойларининг) забтидур (кўлда тутиб туришдур). Бу махалда кўнгул тиламасдек амре вокиъ эмас, дахонларда андок мазбут (ишончли) кишилар кўюб, андок мустахкам ва мазбут килилсаким, наузу биллохким, агар амре (бир иш) ходис бўлсаки, мужиби

тараддуди хотир бўлса, дахонлар тарафидин хотир бикуллий жам бўлса”.

Демак, мазкур вилоятда Навоийнинг ўзи бир неча муддат яшаган ва у ер Хусайн Бойкаро давлатининг чегара вилоятларидан биридир. Бу вилоят кўшнй мамлакатлардан Ирокка чегарадош бўлганлиги туфайли ана шу мамлакатдан бўладиган хавф-хатарларниш олдини олиш учун у ерга хушёр ва сезгир кишиларни юбориш, бирор хавф-хатар сезилса зудлик билан “юкорига”, мамлакат амдориغا хабар килиш жоизлигини силликрок тарзда уктиради:

“Яна улким Ирок мамлакатига фохимлик, хушлик кишилар йибориб, доим хабар Ттутилса, Арз килур йўсунлик хабарларни арздошт килиб, юкори йиборилса, ул бобда (юкоридан-Ю.Т.) не хукм бўлса анга кўра килилса”.

Бу ёзилганлардан мактуб йўлланаётган шахс Навоийнинг ўзи салкам икки йил хокимлик килган, Хуросон давлатининг мухим чегара пунктларидан бўлмиш Астробод хокими шахзода Бадиуззамон бўлиши мумкин, деган хулосага келамиз.

Шу ўринда “Муншаот”даги биз сўз юритаётган мактубдан олдин берилган, мазмунидан кейинги вақтлардаги (1495-1496) воқеалар сабабли ёзилганлиги очик кўриниб турган бир мактубдан Навоий битган куйидаги сўзларни эслаш жоиз кўринади: “Холоким (Мирзо-Ю.Т.) Астрободдан бориб, яхши навкарлар кўшиб, Сизни йибордилар ва бу хабарлар Ирокдин келурини ва кумаклар (беришингизни-Ю.Г.) хаёл килиб эрдилар. Хам махдумзодалардан ва хам беклар ва ичкилардан ва хам соийир халк сиздин андок кўз тутар эрдиларким, агар Ирок вилояти фатх бўлса, доги хизматкорлиг, бандалигингизни улугрок килгаймиз”.

Демак, бундан аввалги тилга олинган “анда куллука машгул” навкарлар Хусайн Бойкаро томонидан хавф-хатар тугдириб турувчи Кўшни мамлакат Ирокка юриш килишида Астрободга ёрдамчи куч сифатида юборган ва у ўғлп Бадиуззамондан катта “кўмаклар ва хизматкорлиглар”ни кутган.

Шундай бўлгач, сўз юритилгаи мактуб Хусайн Бойкарога эмас, балки унинг ўғли, Астробод хокими шахзода Бадиуззамонга ёзилган бўлиб чиқади.

ЮСУФ ТУРСУНОВ